

開縣志

星野

星者陰陽之精形成於地而象見於天晉書天文志曰在野象物在朝象人在人象神蓋其感應為至微矣開雖一隅鶉尾之次有分壤焉載筆者所必首紀也作星野志第一

開縣志 卷一

翼軫分野圖考

翼宿全圖




皇朝文獻通考按步天歌翼宿內有東甌五星今準欽定儀象考成無東甌星列步天歌之二十二星測增



之七星焉

軫宿全圖



皇朝文獻通考步天歌軫宿內有軍門二星士司空四星器府三十二星今準

開縣志

卷一

星野

二

欽定儀象考成無軍門士司空器府星列步天歌之十四星測增之八星焉

翼宿歌

南方第六宿名翼二十二星大難識上下五箇橫
着行中心六箇恰似張更有六星在何處三三相
連張畔附若必不能分處所更請向前分野取五
箇黑星翼下頭欲知名字是東甌

軫宿歌

四星與張翼相近中間另有一箇星號曰長沙貴

明潤左轄右轄附兩星軍門兩黃翼旁認門下四個土司空青邱七烏門之東邱下眾星號器府三十二箇歷可數軫上便是太微宮黃道出入由此通

翼宿論

翼二十二星天之樂府併倡又主遠客負海之賓星明大禮樂興四裔賓服翼南五星曰東區蠻夷星也

晉書天文志

軫宿論

開縣志

卷一

星野

三

軫四星主冢宰輔臣也主車騎主載任又主風主喪轄星傳軫兩旁主王侯右轄爲異姓左轄爲同姓長沙一星在軫中主壽命青邱在軫東南蠻夷之國號也土司空北二星曰軍門主營侯彪尾威旗青邱西四星曰土司空主界域亦曰司徒軫南三十二星曰器府樂器之府也

上全

躔度總歌

翼司樂府軫軍門十九度同十八論鶉尾已宮臨楚地荊州南服定乾坤

原註云荊州卽今湖廣廣西廣東之廉州四川
之夔州貴州之銅仁黎平

大清一統志四川夔州府翼軫分野鶉尾之次

府志四川全省惟夔州綏定石砫太平今爲西陽

皆翼軫分野鶉尾之次其餘并鬼分野鶉首之次

按舊志謂開彙參之宿亦秦之分野然吾考歷

代天官書以益州爲參分者是統論全蜀不專

至吾夔天文分野圖夔州秦分鶉尾之次荊州

楚分鶉首之次今四川惟夔州軫翼分餘皆并

開縣志

卷一

星野

四

鬼分開古庸國地固楚分也其爲軫翼分野鶉
尾之次自應爲定論已